

'Na aodhir treud' mar dh' innsedh dhuinn
 Bha 'n ti 'fhuair ordagh bhuaith,
 Gu bhi 'na cheanntart smachdalach
 Air uibhir pailt de shluagh.
 Thug Thu Aron mar dheagh shagirt da
 Gun lapachas, gun luas,
 'S chuir Thu brigh 's an t-slataic sin
 'Bhiodh 'na nathir iomad uair.

Dh' fhoghnadh do ghnìomh miorbhuiltich
 A dh-innse miad do bhuaidh,
 'N uair' thug thu pobull Israel
 Bho chisibh troimh 'n Mhuir Ruaidh.
 A bhuidhenn 'bu luchd-strithe dhaibh
 Le miorun is le fuath,
 Cha d' fhan a h-aon an lathir diu
 Gun bhathadh ann sa chuan.

'Nuair 'bha Maois 's an f hasach
 Is e 'cumail t' abhair suas,
 'S iat cumhachdan do ghairdain-s'.
 'Bha ga 'shabhaladh gach uair.
 Thuc Thu burn thun feumalachd
 A eudann creige cruaidh,
 'S chuir Thu brigh 'san nathir phraisich
 Gu slanachadh an t-sluaigh.

Chuir Thu reull gu 'n sabhaladh
 'S an speur a b' airde shuas,
 Gu'n stuiradh ann sna cearnichibh
 'Bu stathaile de'n chluain.
 Mar iul aig cumhachd ard ghliocais,
 No stiur air ardrich cuain,
 Bhiodh meall teine 'na aite sin
 'S an oidhch' dha 'n gnath 'bhi fuar.

'S iomad ait 'san d' fhairich iat
 Do charthannachd gun fhuath,